

Den AMBIENTE



AWE D2U-365 BRASSBAND LO ESTRENA NAN TEMA PA CARNAVAL 43...




** Awemerdia durante e programa farandulero "Show di Poets" na Radio Galactica 99.9, D2U-365 lo bay estrena nan tema pa aña 1997. E tema aki ta un propio di D2U-365 y a ser graba den Aruba Recording Studio, na unda ayera anochi a bin cla cu e parti final

di mix. Ta trata di un tema di nivel y caliber halto cu indudablemente lo bay deleita e gran amantenan di musica asambeho. Espectativanan ta indica cu e tema aki lo bay cosecha un exito

grandi pa e temporada di carnaval. Otro siman D2U-365 lo sali pa New Orleans na unda tambe nan lo bay resona e tema aki durante e Super Bowl. Pues un i tur ta keda cordialmente invita pa disfruta di e tema nobis nobis di e indiscutiblenan di D2U-365 awe merdia na Radio Galactica, na unda tambe e feliz oyentenan tin e oportunidad pa escohe e number di e tema.

Riba foto por aprecia integranan di D2U-365 den pleno grabacion den Aruba Recording Studio.

DIMITRI FRANS FORMANDO PARTI DI QUASI NA ARUBA Y TAMBE DI MAGIC SOUND NA BONAIRE



** E talentoso musico Dimitry Frans kende por domina varios instrumento manera e.o. percusion, guitarra, trompet y tambe como ingeniero di sonido, ta marcando historia di ta formando parti di dos agrupacion musical na e mesun momento y riba dos isla.

Actualmente Dimitry Frans ta formando parti di Super Orquesta Quasi y tambe di e popular banda

Magic Sound di Bonaire. Ayera DEN AMBIENTE a topa cu Dimitry Frans kende a confirma DEN AMBIENTE esaki. Dimitry tabata den compania di Xemio Jacobs kende ta e director musical y keyboards di Magic Sound.

Actualmente Magic Sound ta hopi popular na hermana isla Curacao, na unda aña pasa nan a sa di cosecha un exito grandi cu e cancion

"Rishena", cual cancion a resulta number 1 y 2 riba diferente Top 100. E aña aki tambe Magic Sound tin un exito grandi cu ta "Doña Lola".

Segun por a compronde for di Dimitry Frans cu muy pronto por spera un presentacion di Magic Sound hunto cu Super Orquesta Quasi na Aruba. Riba foto por aprecia Xemio Jacobs y Dimitry Frans...

MINISTER LILI BEKE MARTINEZ TABATA E PERSONA CLAVE CU A SOLUCIONA E PROBLEMA SAC VS ASOMA...



** Porfin e polemica entre Asoma y Sac a yega na punto final, despues di a

hera pone e carnaval di Aruba na peliger. Mester duna palabranan di credito y elogio na Minister Lili Beke-Martinez, kende a

delega e comishon como e meta pa solucionna henter e problema aki. Esaki tambe a duna su fruta y cu awe henter Aruba por ta tranquil, ya cu e fiesta di mas grandi y famoso na mundo cu ta Aruba su CARNAVAL lo sigui normal.